


建文朝野彙編 十六上



漢書門			
八	二	九	七
冊	架	函	號
二	四	七	九

內閣文庫			
二	八	八	漢
冊	冊	冊	書
二	二	九	類
架	冊	號	類

內閣文庫		
番號	漢	8863
冊數	24 (19)	
函號	286	169



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



建文朝野彙編卷十六

淺草文庫

原任廣東道監察御史秀水屠叔方纂

公

魏國公徐輝祖

公徐氏諱輝祖初名允恭鳳陽人也父曰中

山武寧王達首佐

高皇帝定天下出入將相助德為諸功冠配饗

廟廷始娶張夫人以不宜室卒

上為特繼謝夫人首舉公公生而白皙秀眉豐

下及長長八尺五寸顧盼有神舉止儼雅中山王數鎮北平畱公宿衛御家家衆肅然上故心器之命理左軍都督府月廩祿二十石未幾而中山王自北平還疽發於背有間上命公奉手詔道迎勞俄而王薨又三年而爲洪武巳巳始命公襲爵魏國公賜誥稱揚中山王之烈而勉公忠以立志禮以守身恪盡繼承之道尋以

皇太孫允炆嫌名改今諱明年賜公與諸公

各黃金三百兩白金二千兩鈔三千錠文綺二十疋綾十疋俾還鳳陽賜第以歲時入覲尋給兵百二十人爲衛復賜鈔四百錠明年出陝西防邊自是歲出練山東河南卒詔公仍於太倉支歲所受祿五千石而還公田於官時故元降將阿魯帖木兒乃兒不花與其部衆隸燕王軍中有異志爲告者所發上密詔王訶實而命公以詔往公之姊王妃也於是悉得其實與王合筴併其黨悉捕送

南史卷一百一十一
卷一百一十一
二
闕下戮之二十九年國子學正吳啓言國子
師生日夥不爲甄別高下無以懲勸

上命公率禮部翰林院臣詣監試其文藝分別
送吏部銓用公勛臣也

上知公有文故特寄之人以爲榮

高皇帝崩

皇太孫卽位時諸宿將且盡公與李曹公俱以
肺腑領朝班曹公加太子太師公加太子太
傅

文皇帝爲燕王時入臨稱疾不拜王屬尊而功
高有武略擁強兵 朝議憚之會王歸而畱
次子高陽王待命於邸欲藉公爲耳目公謝
絕之高陽王微聞諸大臣謀有所不利於燕
王卽夜竊公善馬歸燕公大驚晨白之於
上亡何燕師起以誅君側爲名諸徹侯兵往攻
之相繼敗始議置大將公與曹公皆當往時
曹公有公卿間聲而公終以燕戚屬故見左
然公一意扞圉時曹公與歷城侯相繼敗燕

師日迫矣其世子高陽王皆陰餌公爲內應
公確然不撓乃改餌公叔弟及師攻金川門
公猶與常開公昇等分道出大戰皆不利京
師悉爲燕公獨守先王祠不從勸進於是錮
之私第尋逮下獄久之公竟不屈以死時僅
四十餘王姊爲

仁孝皇后竟宴駕不敢爲公請久之

上追思后不已且念中山王功大召公子欽予
故公封還其舊所削祿及廬產蓋百八十年
而

今上皇帝詔悉錄爲

建文君死事者各以官稱廟祀之金陵而公居
首

外史氏曰當

文皇之起兵而徐公其妃弟也毋論成敗之
猶匿而公矢節故主卽革命之際小一移
志爲曹公所爲業以元舅居上公備心肺
疇能易之公舍而恬然趣死一何決也於

建文爲純臣於中山王爲令子矣

文皇以死全公之志而弗奪其爵以報中山王

今天子又能光大顯榮之先聖後聖其一揆

哉雖然亦可以觀天道焉

出舟州續集

徐輝祖鳳陽人中山武寧王之長子洪武三十一年十月襲封魏國公始名允恭

高廟賜今名爲建文所信任

文廟興靖難師以輝祖元舅也召之不爲動遂

與黃子澄等通謀拒敵內難平子澄等俱死

文廟以中山王有大功於國家赦輝祖不誅惟

革爵閑住輝祖鬱鬱不樂成疾而薨或曰自

裁永樂五年八月詔還其祿米輝祖時已

死其子欽仍襲封

出金聲玉振

輝祖

文皇元舅也靖難師起召之不爲動乃與齊黃協謀國事後因削其爵死於獄未幾許子孫世襲封云

外史氏曰輝祖元勳之子而能處死如是
可謂不忝其先矣彼李景隆輩何人也忍
心挫節未幾以譴死嗚呼寵光僂辱至今
不磨可畏也哉

出羣忠事略

徐輝祖中山王長子身長八尺五寸洪武二
十一年嗣魏國公二十六年遣諭北平防胡
明年練浙江海上兵防倭二十九年會禮部
翰林院試國子師生第優劣移吏部錄用輝
祖嘗侍 懿文太子學通經書大義從詹希

元學書善大字戊寅閏五月

建文君卽位特見信任八月兼太子太傅靖難
兵起與齊黃盧振張昺葛誠通謀議督諸兵
以進屢有功召還靖難兵至江上輝祖及開
國公常昇分道出師禦戰將士往往離散不
肯向敵遂還京

文皇卽位尋幽繫永樂五年輝祖卒年四十
上曰輝祖與齊泰輩罪同宜論死念中山王平
定有大功於國家曲赦輝祖今輝祖病死中

山王功不可無後輝祖子嗣魏公通給中山
王歿後祿米輝祖長子釋迦保見 上賜名
欽遂乞守墓

上怒謫居中都二十二年卒中山王四子次添
福次增壽次增緒長女

文皇后次代王妃次安王妃增壽素遙款於北
平壬午秋靖難兵入金川門

建文君手刃增壽於左順門下是年贈諡武陽
忠愍侯永樂二年贈定國公子景昌嗣 出遜

國臣記

靖難兵起

仁宗以王世子入 覲畱京未遣輝祖弟都督
增壽係護衛有大功得歸國而輝祖雅不肯
翊戴爲內應時建武學於京師教將臣子弟
輝祖與駙馬梅殷往來提督弦誦大興靖難
師迫增壽事覺被僂輝祖始終無推戴意與
齊黃輩通謀抗拒

太宗卽位列入奸黨論罪以外戚故特原之乃

勒歸私第鑄秩閑住尋被繫而卒永樂五年

八月 詔還其祿米時輝祖已卒子欽襲爵

子孫恩數視增壽子孫常差薄云出華朝遺忠錄

公諱輝祖中山王達之子襲封魏國公

高廟崩諸王世子及郡王多在京遺命三年喪

畢遣還時 仁廟漢庶人趙王皆畱 遺詔

至北平

文皇有疾遣人扶掖哭臨語莫能辨如是數月

乃乞 仁廟及漢趙視疾 朝廷以遺詔不

許既而屢請益哀懇

建文將許之輝祖不可乃止明年

文皇疾愈入朝復申前請

建文不忍召輝祖及弟增壽議增壽獨以百口

保其無虞於是 仁廟及漢趙俱得還國蓋

文皇后中山王女也故 朝廷謀必及之靖難

師將起輝祖復與齊黃陰謀加兵於燕及

文皇卽位齊黃輩皆死獨輝祖以中山王子赦

不誅革爵閑住尋繫獄而卒永樂五年八月

朔日奉 聖旨比先徐輝祖與齊黃等合謀以危社稷後事發齊黃等伏誅輝祖是中山王男因念中山王比先平定天下有大功於國家以此不曾罪他只著閑住今病故了中山王的功不可忘如今還著他長男仍襲封魏國公中山王歿後的祿米戶部查了都還他

出說纂癸集吏部驗封司稿簿同

戊寅閏五月

建文即位輝祖特見信任嘗召對密言燕邸事

八月兼太子太傅燕世子及弟高煦高燧入臨齊秦請并留之黃子澄不可輝祖察高煦有異志密奏他日必為大患 建文以問增壽駙馬王寧庇之乃悉遣歸俄湯宗上變告北兵起輝祖與齊黃陰通謀議二年李景隆北伐輝祖帥師繼之白溝之敗輝祖為殿獨全軍而還四年援山東敗北兵于齊眉山燕將皆懼議旋師

建文君乃召輝祖還何福遂以無援不能遏敵

北兵至江上輝祖及常昇分道禦戰

成祖入金川門羣臣勸進獨輝祖不屈

成祖親召問嘿不應下吏令自招罪操筆惟書其父開國功及券詞子孫得免死耳

上大怒削爵秩勒罷尋下獄卒

出表忠錄

徐輝祖魏國公之長子也洪武二十一年襲職少侍皇太子諸王學及從諸儒游習經史大義又從詹希元等學書能作大字其姊爲燕王妃是爲

太宗文皇后靖難兵將渡淮命輝祖督軍援何福福先斬燕將陳文比輝祖至與燕兵大戰斬其驍將李斌南軍再捷勇氣百倍北將皆懼議旋師獨朱能不肯王遂決意引兵南下矣會京師傳言燕王已北歸乃召輝祖還何福孤軍無援遂不能禦以至於敗成祖卽位惟輝祖不屈

上親召問不出一語終無推戴之意法司迫取供招輝祖默然操筆惟書其父開國功勞子

孫免死而已

上大怒然以元勳國舅欲誅又輒中止徘徊久之竟從寬典止勒歸私第革其祿米尋被繫獄自經死

出忠義流芳

徐輝祖鳳陽人中山武寧王之嫡子身長八尺五寸體貌魁偉袁珙善相人術見其面麻而氣促目睛不定謂之曰公貌雖魁梧但欠凝厚年交四十福祿將艾矣洪武二十一年十月襲封魏國公始名允恭

高廟賜今名嘗侍

懿文太子學習經書通大義又從詹希元習筆札善寫大字

建文君卽位以勲舊見信任

文廟興靖難師以輝祖元舅也召之不爲動遂與黃子澄齊泰盧振張昺葛誠等通謀內難平子澄等死輝祖始終無推戴意

上以中山王有大功於國家又以外戚故赦不誅惟革其爵祿勒歸私第閑住尋被繫而薨

年四十如珙言永樂五年八月 詔還其祿

米輝祖時已死其子欽仍襲魏國公增壽陰

謀翊戴事覺自二

建文君臨危乃戮之永樂初追封定國公恩

比輝祖子孫差厚云 出革除遺事

侯

越舊侯俞通淵

俞通淵廬州巢縣人其前事見開國功臣傳

洪武二十二年七月有 旨遣艾端起在閒

越舊侯授豹韜衛指揮使八月領軍北征陣

亡于白溝河 勅葬虢國公墓旁以神策衛

老軍劉海等守之而命其子靖襲豹韜衛指

揮使尋卒幼子端三十四年命錦衣衛優給

全俸亦卒遂絕嗣 出革朝遺忠錄

俞通淵以父河間郡公廷玉兄號國忠烈公
通海南安侯通源故得充叅侍舍人從大將
軍征秦隴燕趙陞督府僉事征哈喇哈至捕
魚兒海獲酋長人畜轉餉江西充偏將征都
勻龍場諸蠻克辰沅寶慶多俘獲封越巂侯
統兵討建昌叛賊城越巂洪武二十六年坐
累奪侯還鄉建文元年召見

建文君壯之曰老將也授豹韜衛指揮使充偏
將從大將軍禦北兵敢戰有功白溝河之役

諸將兵大敗通淵死之 勅葬聚寶山子翊

先卒次靖襲二年卒次端優給卒靖難後人
懼禍不敢言襲替事建文末諸將校往往失

世官也

出表忠錄遜國臣記同

俞通淵廬州巢縣人事見開國功臣錄建文
改元有 旨遣艾端起在閒越巂侯俞通淵
授豹韜衛指揮使領軍北征戰於白溝河陣
沒 朝廷哀悼賜葬南門外聚寶山號國公
墓旁通淵戮力建功効死忠義世以爲難 出

忠義流芳

俞通淵者巢縣人父廷玉開國有功官至僉事樞密院事攻取安慶沒於陣追封河間郡公通淵少隨父兄集義旅以舟師應

高皇帝渡江兄通海功最位平章死於王事封虢國公通源以定中原功封南安侯通淵起叅侍舍人累從大將軍北伐元虜征西南戎蠻功最積官至僉左軍都督府事洪武二十五年六月封越巂侯子孫世襲二十六年夏

賜還以老革除巳卯七月有旨遣艾端起在閒越巂侯授豹韜衛指揮使八月領軍北征庚辰四月及燕戰于白溝河陣亡朝廷哀悼勅葬南門外聚寶山虢公墓旁賜神策衛老軍劉海等守之妻廖氏封侯夫人子三長翊洪武三十一年卒次靖襲豹韜衛指揮使庚辰卒於官次端幼辛巳賜錦衣衛優給全俸未幾亦卒遂亡後通淵父子兄弟戮力建勲效忠死義世以爲難

出革除遺事

朝野彙編 卷十六

駙馬

駙馬都尉李堅

李堅懷慶武陟人洪武中以功臣子選尚大名公主為駙馬都尉

建文君即位公主進封大長公主堅以軍功封欒城侯無幾何命耿炳文伐燕拜堅為左副將軍及燕戰於真定時炳文軍惟備西北其東南無備燕師出其不意夾擊之炳文幾為所擒燕將丘福攻子城堅領兵接戰互有勝

朝野彙編 卷十六

十五

負已而兵敗燕騎士薛祿引槊刺堅墜馬揮
刀斫之堅大呼曰我李駙馬也勿殺祿生擒
之以獻

太宗謂曰爾至親也今至此尚可逃罪乎械送
北平堅遂道死姑蘇王錡謂堅歿於王事子
莊見宥當襲爵公主時猶在懼禍至乃納其
誥券莊得流寓南京娛情詩酒以壽終焉崔
銑彰德志又載堅為郡人與李讓同時為駙
馬都尉而讓叛附

太宗為之宣力要之堅實南產云

出華朝遺忠錄

李堅武陟人父英開國有功為驍騎右衛僉
事力戰死烏撒堅尚

太祖第七女大名公主嘗與駙馬歐陽倫梅殷
陸賢賑北平

建文君即位進公主太長公主堅素負才勇充
左副將軍從長興侯耿炳文北征遇北兵謹
備西北北兵突擊出不意破東南炳文大敗
燕將丘福又攻子城堅出接戰互有勝負封

堅樂城侯與世券兵敗滹沱河薛祿引槊中
堅墜馬祿揮刀直砍堅堅大呼我李駙馬也
勿殺祿擒堅見

成祖成祖曰爾至親今至此柰何械送北平道
卒子莊以公主故宥當嗣侯公主懼禍繳誥

券

出表忠祿遜國臣記同

李堅懷慶武陟人洪武中以功臣子選尚

太祖女大名公主爲駙馬都尉

建文君卽位公主進封大長公主堅封樂城侯

燕藩兵起命耿炳文伐之拜堅爲左副將軍
及燕戰於真定時炳文惟備西北其東南無
備燕師出不意夾擊之炳文幾爲所擒燕將
丘福攻子城堅領兵接戰互有勝負已而兵
敗燕騎薛祿引槊刺堅墜馬揮刀斫之堅大
呼曰我李駙馬也勿殺祿生擒以獻燕王謂
曰爾至親也今至此尚可逃罪哉械送北平
堅乃道死同日被擒者都督甯忠都指揮劉
遂堅一子名莊見宥應襲公主時在懼禍至

乃納其諾券得流寓南京娛情詩酒以壽終

焉

出忠義流芳革除遺事同

駙馬都尉耿璿

耿璿長興侯之子洪武中爲前軍都督僉事
尚 懿文太子長女江都郡主建文元年郡
主進封公主璿爲駙馬都尉掌前軍事璿勇
悍有膽略靖難兵起以王室懿親得預聞兵
事炳文北行璿力勸直搗北平已而炳文戰
數敗璿怏怏抱病時對公主悲泣

建文君遜去杜門稱疾竟坐罪死公主復稱郡

主永樂元年春憂卒

出

朝野彙編 卷之六

都督

都督廖鏞

廖鏞巢縣人祖永忠開國封德慶侯父權嗣封鏞以嫡子任散騎舍人歷官至都督建文中與議兵事時宿衛殿廷靖難後

成祖以廖侯兩子鏞與銘嘗受學方孝孺令召之孝孺怒曰汝讀幾年書還不識個是字兩子復命

上怒令收孝孺族誅之廖兩子拾遺骸葬聚寶

門外山上甫畢廖氏見收兩子逝去永樂元
年四月錦衣衛奏獲鏞送刑部論死鏞弟銘
鉞叔昇謫戍邊昇淮安衛指揮僉事鏞母東
甌王長女也并銘女送浣衣局

出表忠錄

廖鏞無爲州巢縣人祖永忠從

高廟平中原滅西蜀有功父權襲封德慶侯鏞
以元勲後任散騎舍人見用革除間永樂元
年四月十日錦衣衛鎮撫司奏送刑部就戮
弟銘鉞及從父淮安衛指揮僉事昇俱謫戍
母湯氏東甌王和長女也并銘女皆送浣衣

局相傳

文皇帝清宮三日卽位召方孝孺作詔孝孺曰
吾腕可斷此筆不可枉也

上以廖都督兩子受學於孝孺復令召之孝孺
怒曰汝讀幾年書還不識個是字兩子復命
遂以軍收之孝孺杖而衰經至闕下哭
上問之再三不答但哀慟不置命以刀抉其口
兩旁至耳刑之聚寶門外凡七日尚作絕命

詞罵聲不絕兩子拾其遺骸葬之聚寶門外
山上葬甫畢而廖氏亦見收矣兩子遂逃同
時刑十八人孝孺其首也兩子後亦就逮豈
卽鏞之兄弟歟

出革朝遺忠錄

廖鏞巢縣人己故德慶侯廖權男任散騎永
樂元年鎮撫司奏送刑部就戮弟銘鉞俱充
軍從父昇甘州充軍母湯氏銘女俱送浣衣
局堂兄基烏撒衛指揮同知本年到京自首
送監故

出立齋閒錄

都督孫岳

孫岳洪武中從大將立功官至都督同知建
文中充鳳陽守將靖難兵起大修戰守器械
撤寺材爲戰艦樓櫓戈甲有法列寨淮西水
陸有備北兵竟從下流渡淮至盱眙金川門
不守尚猶堅守中都永樂元年法司劾岳逮
至京宥死安置海南

出遜國臣記

[Faint bleed-through text from the reverse side of the page]

[Faint bleed-through text from the reverse side of the page]

都督耿璫

耿璫長興侯仲子累官至後軍都督僉事燕
兵起與江陰侯吳高及楊文率遼東兵圍永
平不克退保山海關吳高被間奪兵徙廣西
楊文守遼東璫請攻永平以動北平文不聽
靖難後璫論死 出遜國臣記表忠錄同

都督趙清

趙清鳳陽人有膂力善用兵洪武中積功官
至北平都指揮使陞後軍都督僉事致仕清
去北平時常懷隱憂不敢言燕兵起黃齊諸
人薦清率河南兵守彰德燕兵至城下遣人
招清清對使人曰殿下至京城但出片紙召
清清不敢不至今爲 朝廷守封疆不敢棄
命失職靖難後召清還清遂乞閒不許

出遜

國臣記

都督甯忠

甯忠累官都督建文元年充戡虜右副將軍
與駙馬都尉李堅從大將軍至北平八月及
靖難戰於真定敗奔滹沱河又敗與都督顧
成都指揮劉遂皆被執忠之妻都督徐凱女
也後與凱同死

出遜國臣記

甯忠都督充右副將軍三十二年九月與李
堅同戰真定俱被執

出革朝遺忠錄

都督馬溥

馬溥壽州人父鑑開國有功官至都督僉事溥襲武德衛指揮僉事

建文君初陞都督四年夏與徐真並充叅將遇

靖難戰敗靈壁皆被執溥子真為周府儀賓

靖難後宥溥令改建周府出遜國臣記遺忠錄同

馬溥者壽州人父鑑開國有勳官至都督僉

事溥襲武德衛指揮僉事仕

建文累遷都督壬午四月充叅將與徐真皆被

以爲已砲急趨走門塞不能出營中紛擾燕軍急擊之遂破其營生擒暉平安及叅將馬溥徐真都指揮孫成指揮王貴等共二十餘員燕王悉縱遣之何福遁走出忠義流芳陳暉者始爲洮州指揮累以勲功至都督充副總兵被執

太宗令人送暉等往北平後不知所終出革除遺事燕兵執陳暉燕王慰勞備至遣將費瓏送暉北平暉中道逸去不知所終出祕史

都指揮

都指揮楊松潘忠

楊松爲都指揮炳文爲主帥駐兵真定遣楊松爲先鋒進據睢縣遣都督徐凱領軍十萬駐河間潘忠屯鄭州松帥驍勇者九千人進據雄縣約忠爲殿燕王謂諸將曰今夕中秋彼必不備飲酒爲樂此可破也亟行夜半至雄縣圍其城門而潘忠援兵未至松令軍士登城大罵燕師益憤黎明破其城而入松

與麾下九千人戰死燕王度潘忠在鄭州未
知城破必引衆來援遂命領兵千餘渡月漾
橋伏水中又令軍士數人伏路側望見忠等
接戰卽舉砲旣而忠等果至王進兵逆擊之
路傍砲舉水中伏兵亦起據橋忠戰敗急趨
橋不得北兵復背夾擊之遂生擒忠出忠義
流芳
潘忠歷官至都督將兵屯雄縣建文元年八
月靖難兵至雄破其東門忠至月漾橋遇伏
兵戰敗被執出遜國臣記

革除間忠與楊松皆爲都督同守鄭州三十
二年八月破雄縣被執死之出革朝遺忠錄

都指揮徐真

小河之戰指揮同知徐真深入陷陣連殺十
餘人敵亦辟易莫敢當忽大風塵起軍亂猶
奮樂直呼曰男兒當于死中求生會馬蹶沒
於陣初

太宗起兵置勇士一軍自將皆才力過人者而

徐預焉永樂初贈驃騎將軍都指揮使

出抑

庵文集

